



## Uspješna terapija Nektar Demofesta

### Therapy? Opravdao svoj status kultnog metal benda

Sinoć su se publici Nektar Demofesta predstavili članovi jedanaest demo bendova koji su se svojim scenskim nastupom I, prije svega, muzikom, borili za prolazak u finale. Prema odluci stručnog žirija u finale festival prošli su: *Tanker, The Synergy, Propaghanda i Memlah.*

“Iz večeri u veče konkurencija je sve jača a samim tim je i naš posao mnogo teži. Ipak, odluka je na kraju morala biti donesena. Bendovi koji će imati tu čast da nastupe u finalu Demofesta su se svojom originalnošću I kvalitetom zvuka koji nose izdvojili od ostalih bendova. Svima onima koji nisu prošli dalje želim puno sreće u daljnjem radu,” istakao je Bane Lokner, predsjednik ovogodišnjeg žirija.

Večeras nas na Kastelu očekuje nastup francuske grupe Nouvelle Vague koja će se publici u Banjaluci predstaviti prvi put u svojoj karijeri.

“Stvarno smo sretni što imamo priliku po prvi put doći u BiH jer inače uživamo u svirkama u Istočnoj Evropi, a siguran sam da će publika biti odlična. Samo se nadam da će u publici biti mnoštvo lijepih djevojaka,” poručili su iz ovog benda.

Danas će u press centru festivala biti održana i radionica Marka Šelića, Marčela a nakon nje I promocija novog albuma prošlogodišnjeg trećeplasiranog benda iz Novog Sada, Tripcycle-a.

Za više informacija molimo kontaktirajte:

Brankica Stojanović  
Portparol festivala  
+ 387 65 176 576

[Brankica.stojanovic@aquariusogilvy.com](mailto:Brankica.stojanovic@aquariusogilvy.com)